

§. XI

LAPIDANDVS LAPIDIBVS ORREVEBA
TVR NVDVS

Ita est in rebus humanis, ut summa turpitudine *nuditate* prodatur. Agnita enim *nuditate* sua nihil magis ad turpitudinem suam accedere posse existimabant protoplasti: quare potius conspectum DEI fugere, quam propriam turpitudinem a) confiteri malebant. *Nuditate* enim turpitudine peccati fatis indicatur. Hanc igitur ut ueteres Iudaei tam illi, qui ad supremum rapiebatur supplicium, quam supplicii spectatoribus ostenderent, REVM uestibus DENVDATVM morti tradebant. Idque in MARTYRIBVS CHRISTI eo magis obseruabant, quo uehementius eorum innocentiam hac turpitudine publica affigi posse credebant. Idem quoque acciderat sanctissimo nostro Sospitatori, qui omnibus uestibus denudatus ad augendum turpitudinis spectaculum in cruce pependit. b) Qui enim in crucem agebantur, antea omni uestitu exuebantur. c) Qua tamen in re Iudaei modestius ac uerecundius sensisse uidentur, qui uerenda saltem in ipso supplicio tegi curabant, teste historia,

a) Gen. III. Cap. uers. 7. usque ad II.

b) Matth. XXVII, 35. *σαυρωσαντες δε αυτον διεμερισαντο τα ιματια αυτου βαλλοντες κληρον.* Si uero milites Romani CHRISTI uestes per sortem adipisci studerent, necessarium fuit, ut illum, antequam cruci affigeretur, uestibus exuerent. Collatis cum hoc MATTHAEI testimonio MARCI cap. XV, 24. LUCAE cap. XXIII, 34. IOHANNIS cap. XIX, 23. Psalm. XXII, 19.

c) IUSTVS LIPSIVS Libro II. de cruce Cap. VII. pag. 779. de *nudatione*, quae crucifixioni et ceteris poenis capitalibus praeibat, ita scribit: *Suspensio fixioni praeit, et ante illam etiam nudatio, quia simul ad*
L crucem